

U LUBUUTO ULUKALAMBA

ULWA BENGESHIMA



Isambililo lyandi muno lucelo lilesangwa mu Cipangano Cipyā. Mukubalilapo kwalaba ukubelenga kwa Malembo ukufuma muli Mateo 1 . . . chapitala 2, ukutendeka na versi ya 1. Kabili nomba pamo Ndefwaya ukubula, nge sambililo, ukufuma mu chapitala 4, kabili na versi 14 na 15. Nalitemwa ukubelenga i Cebo, pantu i Cebo ni Lesa.

Nomba ilyo Yesu afyelwe mu Betelehemu ku Yudea munshiku shakwa Herodi infumu, moneni, kwaishile abantu abamano ukufuma kukabanga ukuya ku Yerusalemu,

Baletila, Ali kwisa uyo uufyelwe i Mfumu yaba Yuda? pantu natumona ulutanda lwakwe ku kabanga, kabili natwisa mukumupepa.

² Nomba mu chapitala 4 na vesi 14, ukulanda ukulola kuli kasesema:

Ukutila cingafikilishiwa icasosele Esaya kasesema, ukutila,

Impanga yakwa Sebuloni, ne mpanga yakwa Naftali, inshila iya kuli bamba, ukuciluka Yordani, Galili ya Benafyalo;

Abantu abaikela mu mfifi bamwene ulubuuto ulukalamba; nakuli bena abaikela mu fitungu fya finshingwa fya mfwa ulubuuto na lubabalikila.

³ Ndefwaya ukubula isambililo lyandi ukufuma mu . . . nge fi: *U Lubuuto Ulukalamba Ulwa Bengeshima*. Lyena li Lembo ilishaishibikwa nganshi.

⁴ Kabili, pali ino nshita, abantu ilingi line balishimikila nganshi palwa “kukanakwata icifulo mu ng’anda ya batandashi,” munshita ya yule, kabili “Yosefe na Maliya,” kabili—kabili “ukufyalwa kwakwa Shikulu Yesu.” Mailo Naletontonkanya ukutula kuti Naesha ukucipalamina munshila imbi, mukutula abengi pali imwe mulomfwa ku mulabasa nefitunshi tunshi.

⁵ Kabili pakutontonkanya, ici caishile mumano yandi, paba mano no Lutanda. Kabili icanjikete cali, ukutula, cinshi ico abamano bengakwata icakucita na Kristu? Eico kanshi, pakubelenga abengi bakasambilila abakale, mailo ubushiku, sana, mpaka Nasendeme pe tebulo, ukwesha ukusanga icintu cimo icingaleta ulubuuto ulunono pe sambililo lya leelo.

⁶ Nomba, cena cintu icishaseka ukulalanda pali ifi fintu, pantu, nangu cibe ifyo, Lesa taba uwaseka. Lesa alacita ifintu munshila iishaseka, kabili inshita shimo panshita iyaibelako, pantu Aliba uwaibelako nganshi. Kabili abo aba Mubombela baba abaibelako; baba abantu abaibela.

⁷ Eico ilyo ifwe, iyi nshita yamicela, ilyo tulelosha ukutontonkanya kwesu ku Ciminshi minshi, cintu cabipa nganshi ukutila tulingile ukucibika kubufi ubwitwa “Santa Klausi,” mucifulo ca Ciminshi minshi ca cine cine ico cifwile ukuba. Abana abengi abanono mu calo ileelo tabaishiba nangu cimo ukucila pa Ciminshi minshi ukupilibula “iceleta lyapa menshi makasa ilyaisulamo ifyakwangasha abana, nensebula shimo ishamulyashi ukutantala pamuulu wa ng’anda,” ukusambilila fye limbi pali ubu ubufi; ukutila kuti baonaula icicetekelo cabo, lintu caisa pakwishiba ilyashi ilya cine ilya Ciminshi minshi, ukutila tacakwetepo nangu cimo icakucita nensebula, nangu umuntu umo uupeepa impaipi, na masakao nayashinguluka ikoti lyakwe.

⁸ Cena cali kufyalwa kwa wapalwa wesu Shikulu Yesu. Kabili cintu icishicitika lyonse ukumona ifyo Lesa abombebe muli uyu musango, pantu takuli inshita imbi iyali nokubomba, muli lyonse ilyashi lyakale ilyesonde. Cena calingile ukuba fye bwino bwino pali iyi nshita. Kabili nomba panshita iinono natuloleshefye panshita.

⁹ Yali ninshita ilyo Herodi, kepaya, aali nimfumu. Yalingile ukuba, uyu muntu uwabipa umutima alingile ukuba imfumu pali iyi nshita, pantu twalishiba bwino Amalemba ayatila ena “aipeye bonse abana ukufuma pa myaka ibili ukuya pe samba,” ukwesha ukufwaya Kristu. Kabili cena cali nokubafye pali ilya nshita.

¹⁰ Kabili nomba kwali nokuba, pali ilya nshita, ukutila kwali nokuba ukulundwa kwa musonko, ku kulenga Maliya na Yosefe ukubwelelamo ku musumba wabo uwa Betelehemu uko balembeshe, Kabili ukufyalwa kwabo kwalilembelwe mu filye namu ma tempele, pakutila balesonkela. Kabili Kristu ali nokufyalwa mu Betelehemu, kabili bena bali ba mailoshi abengi ilyo ici cacitike.

¹¹ Kabili natwishibishiwa pa cakubilisha ukutila balingile ukupitamo, pakutila bengafika kulya. Nomba tabakwete icikalamba, icisuma icimbaya mbaya cakusendelamo abalwele icakutwala Maria kulya lubali. Kabili tabacikwete nga ileelo, ukutila kuti twakwata umusango umo uwa kuipokolwelamo. Cali cipope ca mfumu. Takuli ukuipokolola ukwingacitwa. Cifwile ukufikilishiwa. “Imfumu yalandile ifyo fine!” Temulandu nemibele yakwe, nangu cinshi, balingile ukubwelela kumpanga ya kumwabo. Takwali icitalaliko kumunono nyina

uwaleenekela. Kabili takuli inshila yakwendelamo; nipa makasa fye, nangu panuma yakwa punda munono.

¹² Kabili balitweba ukutula Yosefe asendele Maliya uyu nyina uwaleenekela ukupapa panshita iyili yonse, kabili nokumubika panuma yakwa punda munono. Kabili ngo muntu uuli onse alitala ninapo pali punda, alishiba ifyo kwaba ukwenda ukwakalabana. Umulumendo munono, ukukonka inshila iinono iyapita pa mulu wa mpili, ukwisa ku Betelehemu, ukufuma ku Yudea, uwakalabana nganshi kabili umusebo uwakosa. Nga cakutula punda munono nga tali uwashikimana, kabili nga aliponene pamo noyu nyina umunono uwaleenekela?

¹³ Nangu, munshiku ilyo kwali ukwenda ukwingi nganshi ukwaleisa mumpanga shabo, icalo conse calebomba, aba mweo na balebeshi kabili na benda, ukubwelela ku mpanga ya kumwabo, ubutantiko ubusuma nganshi pali ba kabwalala muli shilya inshiku. Ilyo bamwene amatelokoshi yanono aya bantu abanono; ba kensha, ba kabwalala nga balibwelele mukati nokubepaya, nokusenda ifipe fyabo nokuya. We cintu we ico cali kuli aba abaupana abacaice, ukutula balingile ukumona, nefyo cali nokuba!

¹⁴ Pamo, ngacakutula fimo ifiswango fya mu mpanga, uko kwali inkalamo nafimbi ifyonaula, ifinama fya mumpanga ifyale endauka mu fiswebebe ifyo balingile ukupitamo. Ngacakutula ifiswango fya mu mpanga fyalungene lilya ibumba ilinono, finshi Yosefe ali nokucita nakamuti mukuboko kwakwe, nomukashi uwalefilwa nokwenda? Balikwete ico icakulolenkana naco.

¹⁵ Lelo cilatupela icitalaliko pakwishiba ici, ukutula tatusunga ubuyo bwesu. Lesa ewaikata ubuyo bwesu. Kabili Alicilashika ukuba ifyo, kabili takuli nangu cimo icikatala ukucilinganya ubutantiko bwakwa Lesa. Ifwe tuli nokufika.

¹⁶ Kabili takwali nokuba umwenso. Kabili cibe limbi Maliya na Yosefe, bena palwabo, abantu fye yawe yawe, abashasambilila. Kabili bena tabakwete inshila ya kwishibilamo ifi fintu, ifyo fyalecitika pali ilya ine nshita, fyalefikilisha Amalembo.

¹⁷ Kabili caba cimo cine ileelo. Ifintu filecitika muno mwine muli buno bushiku ubo tuleikalamo, kabili fwebengi tatwaishibapo nangu cimo pali cena, ifyo Lesa aleenda.

¹⁸ Banjipwishefye kuli umo pali banamayo abambula mu muputule pano, ilyo Nali nokulanda pali lilya isambililo, pa cilembo, necakufwailishako mulwelele. “Bushe kuti caba pa Mulungu uleisa?”

Natile, “Nshishibe.”

¹⁹ Lelo, oh, ukumona muli iyi nshita ya mfifi, ukuboko kwakwa Lesa ukukalamba kuletwalililapo ukwenda ukwashikimana. Takuli nangu cimo icikeminika Cena.

²⁰ Kabili kuti twamona nge fyo cali, ileelo, ilyo punda munono na batandashi babili mukulekelesha bafika. Ilyo baleisa ubushiku, pa fiswebebe, kwali ukwakaba nganshi! Kabili nomba lekeni tutile nabekala fye pa lupili ulunono ku kabanga ka Betelehemu.

²¹ Betelehemu yaikala mu mupokapoka, kabili kwaliba ulupili ulunono. Kabili umusebo uyo wisa mu Betelehemu, wapetamina ku kabanga ka Betelehemu, kabili waya mukati ka musumba. Mupepi ne cifutu, apo mupanga ukukoneka kwa kulekelesha, ukutendeka ukutentemuka ulupili, kwaliba umupili uukalamba uwa mabwe ayasonglwa ayalambalala kulya. Kabili calitontonkanishiwa kuli bakalemba we lyashi lyakale ukutula nalimo Maliya na Yosefe baiminine palya pakupemwinako ukunono ilyo tabalaya mu musumba bulya bushiku.

²² Natumone Yosefe, nokuboko kwakwe ukwa kutemwa, abulile umukashi wakwe umunono ukufuma pali punda nokumwafwa ukufika pa nshi, amutwala nokuya mubika pelibwe, kabili atile, “Wemutemwikwa, pali umusumba unono, pesamba fye lyesu, apo nalimo uwesu umunono umupya akesafyalwa.”

²³ Ndeelenganya ukumona intanda shileshibantukila fye panono nokubengeshima, ilyo baikele kulya ukulolekesha pali Betelehemu, ku yabo...ku kabanga kabo. Kabili ilyo baikele palya, balesunguka ilyo balelolesha pa ntanda; ukutali, imyanda yaba mailoshi ku kabanga ukufuma kulya, kwali nacimbi icicitwa icalecitika.

²⁴ Namwishiba, Lesa abombela mulwelele Lwakwe. Alalenga ifintu ukucitika mu calo cimo, umo Alelenga cena ukuba icapangwa, kukucikumanya muli cimbi. Kulya tulemona, kulya ku kabanga, ngefyo twaebwa kuli bakalemba belyashi lya kale abengi, ukutula aba bantu, aba mano, ngefyo twabeshiba ukuba.

²⁵ Ileelo kuti baba, ukucilapo nangu ukucefyako, abetwa, “ababebeta imyuulu,” te mu mano aya ba kabuka; lelo kwaliba ukuseka kwa fyakusambilila ifya mu muulu, uko beta ukuti ba kabuka. Kabili abantu balabutukila kuli ifyo fintu, ifyo mucine ifyaba ukutontonkanya kwa bufi ukwa kwa kasambilila wafya mu muulu uwa cine.

²⁶ Hamton alitwebele, kalemba we lyashi lyakale umukalamba, ukutula cali...Bali niba Medes-na-Persia, aba bakasambilila wafya mu muulu. Natukonke ubwikashi bwabo panono. Kabili tulesanga ukutula ba Medes-na-Persia bali abaishibana ne Mbila nsuma iyakwa Shikulu wesu lintu aali mulya mu Babyroni. Imyaka kunuma, mu nshita ya Mfumu Nebukadinesa, balikwete abantu bamusango ifi nga bakasambilila wafya mu muulu, abaletamba intanda nefibumbwa fya mu muulu. Kabili bena

kuti balanda ku fishibilo nokwenda kwa ntanda, pa fintu fimo ifyali no kucitika.

²⁷ Kabili ishamfumu sha mu nshiku shakubalilapo shaipwishe aba baume ba musango ngefyo ku kwishiba pa fintu kabili ne fintu ifyo fyali nokucitika. Lesa lyonse alacilangisha ukupitila mu mibili Yakwe iya mu myuulu ilyo Ena talacilenga ukwishibikwa pe sonde. Lesa alacilemba mu myuulu.

²⁸ Kabili ulutanda ulo tuloleshapo, kabili tutontonkanya pali shena ukutula fiputulwa ifinono ifya fifutu fisano mu myuulu, lelo, ifyo fyena fyaba, fyalo ifikalamba nganshi ukucila ici, ukulangisha ulubuuto lwa kasuba.

²⁹ Kabili aba bantu mucine cine balishibe i Mbila nsuma mu myaka iya busha bwakwa Israele, pa myaka amakumi cine lubali mucalo cabena Kaldi, kabili, icine cine, Daniele ukupangwa umukalamba waba mano. Kasesema, ku mano yakwe ayakalamba ku kwishiba impela ya fintu, kabili ukwishiba ifyo Lesa ali nokucita, kabili aitolwe umukalamba waba mano. Kabili aba mano balikwete ifyalembwa ifyakale ifyo balesontelelako, ifya bashibo aba kale. Kabili Daniele aleletamo Ifyalembwa fyakwa Shikulu.

³⁰ Kabili eico twaumfwikisha ukutula muli nshita balipandishenye amano pamo, kabili balimwene amano kabili namaka ayo Lesa umo uwacine aletele, ico calicililepo pali bonse bakasambilila wafya mu mulu nangu abamano. Calishininkishiwe pa bushiku bwa Mfumu Nebukadinesa... nangu ukushana kwa kwa Beleteshasa, ukutula, tapali nangu umo pa bena Kaldi nangu bakasambilila wafya mu mulu abengabelenga icilembo pa cibumba. Lelo Daniele, ukupitila mu Mupashi kabili na maka yakwa Lesa uwa mweo, kuti acicita. Kabili ifyo alelemba fyasungilwe ifya mushilo, kabili fyaba mpaka buno bushiku.

³¹ Nomba tubeta, ku kabanga...Nalikwete ishuko ilya kulanda pamo na bena mu India. Kabili bena betwa nomba abena Mohammedi. Lelo bena bali niba Medes-o-Persia. Ba Mwenye betwa ba...Ndecetekela balabeta abashawama. Kabili ba Medes-na-Persia baba mucine abakwa Mohammedi. Kabili bena e bamo abali pakutendeka ne Mfumu Nebukadinesa. Kabili abamano babo abakalamba bali bakasambilila abo abasambilile i—ifintu ifya cifyalilwa, ukulanda ifintu fya bumupashi ifyo fyali no kucitika.

³² Eico muli iyi myaka iingi imyanda, kabili ne fyalembwa ifya kusambilisha kwakwa Daniele, kabili na fimbipo, bena balifisungile.

³³ Kabili ifyo bali nokucita, munshita sha kubalilapo isha cungulo bushiku, bali nokuya mulya mu Assay[?] Impili. Kabili ukukonka pamuulu pano balikwete ing'anda ya bufumu. Kabili muli iyi ng'anda mwali ing'anda ya bamano. Kabili balekwata

iyabo fujado[?] umutebeto. Kabili pa numa ya kusefya pa malalo yabo, nelyo pa mutenge, nangu pa mutenge, kabili kulya pa camba cimo ica kucefyes Shapiro pa numa ya kasuba kawa. Kabili nga fintu abena Mohammedi ilingi line bacita, ukufukamina akasuba nokubilikisha ukutula, “Alla! Alla!” Kabili inshita ishingira ukuipala abene na menshi ya mushilo, kabili na fimbipo, ukufika na ileelo. Icacilapo, icintu cabo ica mushilo nganshi, cali mulilo. Bacetekele ukutula uyu Lesa umo uwa cine aleikala mu mulilo.

³⁴ Kabili ifyo caba iceni ukwishiba ukutula umo uwacine kabili Lesa uwa mweo alekala mu Lubuuto, kabili Ena Mulilo uonaula.

³⁵ Ifyo baocela umulilo wa mushilo! Kabili baloleshe uyu umulilo, pantu bacetekele ukutula Lesa umo uwacine aikele muli uyu mulilo, kabili Ailangishe Umwine eka kuli bena. Kabili no mulilo walepya nganshi lintu u—ulubuuto lwa kasuba lwawile.

³⁶ Kabili eico bena kuti baya pali ici camba ica kucefyes Shapiro, kabili kuti balolesha mu mulu. Kabili bena bali abakanshiwa bwino. Kabili balishibe ukusela konse ukwa mubili uukalamba uwa mu mulu wa ntanda. Bena balelolesha mukuposako amano ku kuli konse ukusela.

³⁷ Oh, ngacakutula abena Kristu kuti bacita fye ico! Te kulolesha intanda, lelo lolesheni i Cebo cakwa Lesa ilyo Cilefunguluka. Ngacakutula kuti twamonafye ico ileelo, nokumona ifyo ukutula Lesa alaya muli buno bushiku ifintu ifyo twiminako mukukosa nganshi. Lesa alilaya ukucita ifi fintu, ifyapala nga ukundapa abalwele nokucita ifisungusho ifikalamba.

³⁸ Daniele umo wine uwabasambilishe pa fyacitike, atile, ukutula, “Munshiku shakulekelesha abantu abo abaishibe Lesa wabo bakacita ifikalamba.” Yalya Malembo yalingile ukufikilishiwa. Ngacakutula twafwailisha fye! Kabili ngacakutula kuti mwamona, Lesa aisokolola fye u Mwine kuli abo abafwaya kabili abakabila uku Mumona. “Palamineni kuli Ine, kabili Nkapalamina mupepi kuli imwe,” efya sosa Shikulu. Kabili inshita shimo Lesa alaleka ifintu ukucitika pakutula twapalamina mupepi kuli Ena. Pantu Lesa mucine alilashika ukutula ifintu fimo fifwile ukucitika, kabili fikafunguluka fye nga fintu inshita Yakwe iyakulisha iya nshita ilecibika.

³⁹ Kabili pali, ifwe kuti twatila, ubushiku bumo, panuma ya mutebeto wapwile, kabili bena bafukamine ku kuwa kwa kasuba, ibumba lyesu lyaya pa muulu muli ici camba ca kucefyes Shapiro. Kabili lintu ifinumbwa ifikalamba ifya mu myuulu fyatendekele ukulangisha mulwelele, amabuuku yakale aya munshita yakale, aya ba mano, yalefumishiwa. Nokufungululwa, kabili baloleshe muli yena, kabili batile, oh, ifintu fimo ifyo ifyalandilwe kabela. Kabili isambililo, limbi, lyaille pa nshita iitali, pakupona ukukalamba ukwa

ma bufumu, nokuwa kwa mabufumu yabo ayakalamba, nefyo imibele ya bantu iya mu mikalile, ne nkondo, abalepawile icalo no kucisamba ku mulopa wa banabo. Kabili ngefyo abantu ababa aba bu mupashi beluka fye ifintu ifya bumupashi; ifyo ukusokolola kwa nshiku shikalamba ishapita, ne nsoni shabo, nga fintu umulilo wa mushilo waamyangile inshila ya uko ukuya mulwelele no kupwa, ku kwimininako Lesa umo uwa cine kabili uwa mweo.

⁴⁰ Kabili ilyo ubushiku bwakulile ukufika ku ciputulwa ca buko ica pakati, kuti twatila, teni koloko nangu lebeni, ilyo umukalamba aikele kulya, limbi baleimba inyimbo shabo, nangu limbi bena balepepa. Ifwe tatwishibe fye ifyo balecita, kabili bakalemba be lyashi lyakale tabacibika palwalala. Lelo, nangu cibe ifyo, bena balingile ukuba mu mibele ya bumupashi, pantu Lesa asepwa uko kwaba ukwampana no mupashi.

⁴¹ Lesa alaisa kuli ifwe muno lucelo. Alapususha umweo wa uyu mukashana umunono uwatemwikwa, kabili mwebengi imwe muno abo limbi abalefwa ne pwalonda na malwele yambi, ngacakutula kuti twaingilafye mu kwikatana kwa ku mupashi ne Cebo Cakwe kabili na Ena. Lesa akaisokolola Umwine. Ena lyonse alacita ico.

⁴² Munshila yakuya ku Emmausi, panuma yakubuka, cena califye lintu Theophila na cibusa wakwe batampile ukulanda kuli Ena, kabili a Malembo ya ambwilwe, kabili Lesa muli Kristu aisokolwele Umwine kuli bena. Kabili munshila pakubwela, batile, “Bushe imitima yesu tayacilabilima mukati kesu lintu twacilalanda kuli Ena pakuya munshila?” Icintu cimo palwa kulanda pa Cebo!

⁴³ Kabili mu fyalembwa fyabo ifya kale, ilyo babelengele paba mano abapusana pusana abo bapitile. Kabili teti Numbule Baibele yabo pali ino nshita, nangu baleita Zedakoa[?], icintu cimo muli uyo musango, iyo balebelenga noku sontelelako kuli ifi ifyalembwa ifya bantu babo abamushilo. Kabili nefyo abengi pali bena bali niba kapepa wa tulubi, kabili baletele insoni nomusebanya ku bantu, ukwabula ukutwishika ukutila aba bamano mano bakontamike imitwe yabo mu nsoni. Lelo, nomba, umulilo wa mushilo uwalepya, aiminineko Lesa uwacine.

⁴⁴ Lyena kuti Namona ukufuma ku ng’anda ya mfumu, umo nomufungilo mukuboko kwakwe. Kabili acilanga ku ba mano ilyo baiminine pa camba ca kucefyeshapo, baletamba intanda, kabili ifintu fyonse fyaleenda mu kulungatana mu kumfwana, nga fintu fyalecita ubushiku no bushiku, nga fintu fye Lesa alashike cena.

⁴⁵ Kabili muno, ilyo balelanda pa ma bufumu ayalepona, babelengele iciputulwa cakwa Daniele, ico catile, “Namwene mpaka ilibwe lyaputulwa ukufuma mu lupili, ukwabula amaboko, kabili lyaumine ama bufumu ya pano isonde kabili

yasangwike ngo—ngo bungululu pamushili wakusepelapo. Kabili ili libwe ilikalamba lyakulile ukuya mulupili ulo lwafimbile isonde lyonse. Kabili ubufumu Bwakwe bukaba ubufumu bwa muyayaya.” Isubilo lyabo lyena lyali no kupya ukufika ku nshita ilyo ama bufumu yali nokuleka ukuwa, kabili ilyo ama bufumu yali nokuleka ukonaulwa, pantu kwaleisa ubufumu ubwa muyayaya ubwasontwa ubwa umo uwacine kabili Lesa uwa mweo.

⁴⁶ Kabili ilyo baletontonkanya pali ifi fintu, pa Malembo, umo afwile aloleshe mu muulu. Kabili kwaliko umweni pakati kabo. Bena bamwene u Lubuuto ulo bena tabatalile monapo. Lwali Lutanda ulukalamba ulushatalile, mpaka na ino nshita, lwali, nangu talwatalile alwisa mukumonwa kuba mano. Lelo ico cali palya. Mulandu nshi? A Malembo yalingile ukufikilishiwa.

⁴⁷ Mwatila, kanshi, “Munyina Branham, bushe uletontonkanya ukutla Lesa kuti abomba nabalya ba magi?”

⁴⁸ Baibele Yatila mu Ba Hebere chapitala 1 na vesi 1, ukutla, “Les, munshita shakale, mu misango iyalekana lekana,” imisango yonse iya mibele, “Ena alandile kuli bashifwe.”

⁴⁹ Nakabili calilembwa mu Milimo ya Batumwa 10:35, ukutla, “Les, tacindika umuntu, lelo Alacindika balya, mucalo conse, abalekabila uku Mubombela mubulungami.” Nangu wingaba mu kulufyanya, lelo, mu bulungami bwa—bwa kufwaya kwa mutima obe ukutla ulefwaya ukubombela Les, Les ali nokucindika ico. Eico, kanshi, ifilonganino tafyakwata imishilwa iyo fyena finga bika, ifyo ifingalesha Les ku cisumino icili conse, pantu Les ali no kulolesha pa mapange ya mutima wa muntu, kabili kulya Ena ali no kubomba ukufuma kuli cilya cifulo.

⁵⁰ Kabili tulesanga ukutla aba bamano, abacishinka mumitima yabo kabili balekabila ukumona ulya Les umo uwacine, kabili tulelolela ubusesemo Bwakwe ukufikilishiwa, uyo walandile ukutla, “Shikulu aka Mwimya no kupanga i. . . Ubufumu bwakwe tabwakakwate impela. Bukaba bufumu bwa muyayaya.”

⁵¹ Cali nipali ilya nshita u Lutanda, ulo twaishiba ileelo ulwitwa u Lutanda, lwamoneke mulwelele. Nde ingililamo ukutla balya abamano, nokulanda kumo, baiminine ababula ifyakulanda ilyo baloleshe pa cishaseka ukucitika ica Lutanda ulo lwasushishe amafunde aya mibombele ya kasuba, kabili lwafumine mwibumba ilikalamba ilyantanda ilya mibili ya mu myuulu, ukwisa landa icintu cimo ilyo cali mupepi nokucitika.

⁵² Ndesubila pali ino nshita kuti mwabelenga pakati ka mishilwa nokwishiba ico tulepilibula, ukutla muli buno bushiku, Les alisusha ifintu fyonse, ukuilangisha Umwine, ukutla Ali uwa mweo ileelo, alibuka ukufuma ku bafwa, mu Mubili Wakwe uikalamba uwa mu muulu. Icikope pano

ica Buntu Bwakwe kuti casusha umusenshi onse mwisonde. Aba uwamweo umuyayaya. Lesa alacita ifintu munshila Yakwe Umwine, iyapusanako.

⁵³ Lelo, balimwene ulubuuto lwa mu myuulu, lelo ulu Lubuuto lwamoneke ukuba ulwapusanako kuli bonse abashala.

⁵⁴ Kabili natumona, ileelo, ulubuuto mu chalichi. Twalimna ba Methodist, ba Baptisti, ba Pentecosti, ba Presbyteriani, ulubuuto.

⁵⁵ Lelo kuli abo aba Mufwaya, cilemoneka kwati kuli u Lubuuto ulwapusanako ulwatendeke ukubengeshima, ubo bule Mubilisha. “Ena aba cimo cine mailo, ileelo, no muyayaya.” Mu busuma Bwakwe ubukalamba ubwa wamisha na maka, aya Mubili wa mu muulu uyo watumwa mu musango wa Mupashi wa Mushilo, muli shino nshiku shakulekelesha ku Chalichi, ukulanda amaka Yakwe ayakubuka, kabili Ena lyonse aba Lubuuto lwa Muyayaya ulo lwaba nomba pakati ka bacetekela Bakwe. Oh, ifyo caba ica kupapusha ukumona filya ifyo Acita!

⁵⁶ Kabili kulya ilyo baiminine, abapapa, umo afililwe ukulanda kuli umbi, pantu ubukata bwa Lubuuto lwakwe lwalibalengele ukupapa.

⁵⁷ Oh, ifyo caba ileelo, we munandi umubusu uwanaka, ukutila ilyo muntu uyo ushatala ukwishiba Amaka Yakwe, ukupela u Lubuuto ulupya nokupela isubilo lipya, lintu aenda ukuya mu Kubapo kwa Muntu wa Bulesa uwakwa Kristu, ne cicetekelo icimwikata mukupapa kuli kanabesa Wakwe. Tacili nga ukwenda ukuya ku cipailo nokupela kapyunga ukuboko kobe ukwa kulyo, nangula kuti caba kwati kuya mucishiba ukuya mukubatishiwa, nangu ukwiminina ne cipapa ku kusanswa. Cena kwenda mu Lubuuto ulu tamwatala amumonapo kunuma. Yena ni nanga iya cicetekelo ca Bulesa ico cita icintu icili conse icapusana ku Cebo cakwa Lesa kwati tacali. Cibika u Mweo uupya. Cipela isubilo ku balefwa. Cipela ukushipa ku banaka. Cpela ubundapishi kubalwele. Cipela amapalo ku bashakwata ububile. Ifyo caba icakupapusha ukwingila mu Lubuuto lwa Kubapo Kwakwe! Te bufi. Kabili tecintu cimo ico umuntu akwata fye ku mubili, mu mano yabo, ukubikwapo. Lelo, kwisa mukutonta Mukubapo kwa Mfumu ya Bukata, u Lubuuto lwa Muyayaya ulwakwa Lesa wa mweo.

⁵⁸ Lintu icintu cimo cacitika, ico icikasha lilya isubilo muli iwe, ukutila temulandu nefyo iwe wingaba umulwele, panuma, cena mucine tacawama kuli ciwa ukwesha ukukwesha icintu icili conse icapusanako. Cena calikashiwa umuyayaya. Te mulandu ifyo umulwani enga kulenga iwe ukwesha ukwikala ubumi ubwa lubana, iwe na wikashiwa umuyayaya, pantu nauya mu Cinso Cakwe, mu Lubuuto lwakwa Lesa ulo lwapilibula ubuntu bobo ubwa mukati nokubika inyenjele ya nsansa iye pusukilo, ukulila mu mutima obe, iyo isonde talyaishibapo nangu cimo,

ukutula iwe naufuma mumfwa ukwingila mu Mweo. Imfwa ne finshingwa fya iko na fifuma muli iwe, kabili iwe waba icibumbwa cipya ilyo waingila muli ulu Lubuuto lwakwa Lesa.

⁵⁹ Ngefyo balya abamano baiminine, abapapa, ilyo baletamba lulya u Lubuuto, mukulekelesha kuti Naumfwa umo alanda ku munankwe, “Oh, bushe ici te cishibilo ica wamisha ukutula icintu cimo cili fye mupepi no kucitika!”

⁶⁰ Icine cine, ileelo, pamo, lintu twaisa mu Kubapo kwakwa Shikulu Yesu, cena cishibilo ca Bulesa ukutula icintu cimo cili mupepi nokucitika; u Kwisa Kwakwe ukwa bukata ukwa cibili kuli mupepi.

⁶¹ Kabili lintu baloleshe, umo kuli umbi, kabili panuma yakashita... Bamwene Lulya, limbi, ubushiku bonse. Ifyo Lwabengeshime! Lwamoneke ukuba ulwabeka ukucila intanda shimbi. Camoneke kwati tekuti bafumyepo amenso yabo pali Lwena, ukulolesha pa lutanda ululi lonse ulwashala.

⁶² Kabili Ndi uwashininkisha, ngacakutula twamona u Lubuuto ulukalamba ulwa Muyayaya ukubalika pa cinso cesu, tatuli nokulolesha pa filonganino fyesu, ukulanda ukutula, “Ifwe tuli ba Baptisti, nangu ifwe tuli ba Presbyteriani, nangu ifwe tuli ba Pentecosti,” nangu conse ico cingaba. Tulolesha fye ku Lubuuto, nokuba nomweo. Ena e Lubuuto lwa Muyayaya.

⁶³ Kabili ilyo bale Lutamba, ilyo akasuba mukulekelesha kaimine... Ukupita mukasuba balele. Nalibamona nabekala mumisebo mu India, nabapeta amakunda, imitwe yabo capamo; nga fintu mu kasuba balelala, kabili ubushiku baleya ku kutamba intanda, ukulolesha pa kusela ukuli konse.

⁶⁴ Ni abo fye beka aba Mufwaya e baka Mumona. Ni balya fye beka abacetekela muli Ena e bakaipakisha amapalo Yakwe. Ni abo fye abacetekela mukundapwa e bakapokelela ukundapwa. Ni abo fye abacetekela mwi pusukilo ebakapokelela lyena. Ifintu fyonse kuti fyacitwa kuli abo abacetekela. Lelo, mukubalilapo, cena tacifwile ukubafye icapilibulwa mu mano yamubili. Cilingile ukuba ubusokololo ubwa kufuma kuli Lesa eka, kabili ilyo tulelulesha.

⁶⁵ Tulesanga, ubushiku no bushiku, ba Lutambile. Bale Lulandapo. Baloleshe pa Malembo, kabili mukufwailisha. Kutu namona umo aleisa, nokutula, “Apa pali ukulemba ukwa ci Hebere kumbi. Yena yafuma kuli umo uwaba kasesema wabo, uweshina lyakwa Balaamu. Kabili atile, ‘Kukema u Lutanda kuli Yakobo.’” Kabili bamwene Amalembo yalefikilishiwa. Oh, ifyo imitima yabo yasangalele!

⁶⁶ Kabili ifyo cena cifwile calenga imitima yesu ukusangalala, ukwishiba ukutula muli buno ubushiku ubwabipa ubo tuleikalilamo, ukumona Amalembo yakwa Lesa aya mushilo ukufikilishiwa nokusokololwa kuli ifwe ngo Lubuuto ulukalamba ulwa kufwailisha pa kubapo kwesu.

⁶⁷ Lyena, panuma yanshita, ilyo bale Lumona, icakupapa ubushiku bumu Lwatendeke ukusela. Kabili ifwe lyonse twenda no Lubuuto. Kabili u Lubuuto lwatendeke ukwenda ukuya ku mboshi. Mukwangufyanya balongele ingamali shabo nefipe fyabo fyonse ifyabufumu. Basendele ifyabupe. Kabili kuti Nabamona ilyo baleya pa bulendo bwabo, ukukonka u Lubuuto, pantu balishibe ukutila cali Cibumbwa ca mu muulu. Cena cali nokulangisha u Lubuuto lumu ulukalamba.

⁶⁸ Efyo caba ne leelo, cibusa, ilyo twamona ulutanda ukubalika, twalishiba ukutila lwakulangisha akasuba. Nga twamona umweshi ulebeka, tuleshiba ukutila kulangisha kwa lubuuto ulukalamba.

⁶⁹ Ilyo twamona ichalichi ukubalika, tuleshiba ukutila cena kumonekela kwa Lubuuto ulukalamba, ulushifwa kabili u Lubuuto lwa Muyayaya. Lelo ilyo twaifisha fwebene, nokupilibula imitima yesu, nokupilibula icicetekelo cesu ukufumako, nokutila, “Inshiku shafisungusho shalipita, kabili takwaba icintu ca musango ngoyo nakabili,” tulepilibula inuma shesu pa Lubuuto ulwa Muyayaya ulwakwa Lesa.

⁷⁰ Kabili ilyo baleya bale enda, Ndebamona balefuma pa mpili nokuya baletelemuka ku mboshi. Bakonkele imitelo kwisamba ukuya ku Mumana wa Tigrisi, kabili kulya bakonkele umumana wa Tigrisi uwa maka ukufika na ku Babyroni, ba abwike apakwabukila pa Yufreti, ukuya panshi, no kutoloka impanga sha Palestini. Balesangalala! Baleenda munshita yabushiku pantu kwali ukwatalala mubushiku, kuli bena ukwenda ukupita mufiswebebe. Icintu na cimbi cali, intanda shabalike mu mfifi, eico bali no kukonka u Lubuuto. Kabili u Lubuuto lwali nilu katungulula lwabo.

⁷¹ Kabili ilyo baishile, mukulekelesha Lwena lwaishile ku Yerusalemu. Lelo, ilyo Lwena lwafikile mu Yerusalemu, Lwalishimine. Lwena lwafuminepo ilyo bafikilefye mu Yerusalemu, pantu yali ninshita yabo lyena ku kubalika u Lubuuto.

⁷² Kabili ukutentemuka mu misebo yanyongana iya muli ulya musumba uukalamba, ukupita mu misebo iya musumba uukalamba uwa kale uwe sonde, mupepi, Yerusalemu; icipuna pa nshita imo ica kwa Melkisedeki mukalamba, uko bakasesema abakalamba abakale naba kalemba balembale ifyo. Lelo mu yabunang’ani, iya ku mubili, iyafulunganishiwa citika, imikalile yabula umupashi, u Lubuuto lwa Mbila nsuma lwalifuminepo.

⁷³ Kabili kuno kwali Abenafyalo, mu musumba wa ba Yuda, balelila, “Alikwisa Uyo uufyelwe i Mfumu yaba Yuda? Pantu natumona ulutanda Lwakwe ku kabanga kabili natwisa muku Mupepa.” Ifyo cabe cintu ica kwikata ica buno bushiku, O mwe Taata wa luse, ilyo tulelolesha no kutontonkanya! Aba Yuda abasendama nganshi mpaka abamano, Abenafyalo baku

kabanga, baishile ukufuma ku mpanga shakutali, ukwenda ukwisa sanga i Mfumu yaba Yuda, kabili tabaishibepo nangu cimo pali cena.

⁷⁴ Ileelo, Lesa alisenda umuntu ushasambilila, abalumendo na bakashana abo nalimo abashakwata amasambililo aya kusukulu kwa kutantika amashiwi, ukubushiwa ku maka ya Mupashi wa Mushilo, uyo ulebilikisha mu matwi ya chalichi, “Ali pano mu maka Yakwe ayakalamba, ukuilangisha u Mwine kabili ukulenga ukwishibikwa,” kabili ichalichi tacaishibapo nangu cimo palwa ico.

⁷⁵ Bena baishile mukupela umucinshi. Bena baishile mukupela umucinshi ku Mfumu ya shamfumu. Kabili ichalichi, mukulala kwa ciko ukwa cilonganino, tacaishibapo nangu cimo palwa Cena. Bena beni. Musango nshi, ilyo ishi nama ishasekelela, nashikobikwa nobulungu bwaku kabanga ubo bwaleselela pali shena, ne fipe. Kabili nga fintu Filoni atile inshita imo, “Tabali nimfumu, lelo bena bali—bena bali abakalamba abalinga ukuba abeni abacindikwa aba Mfumu.” Kabili aba bali apa, ukubweseshwa kunuma ishi inama sha mucinshi, ilyo baleya mu misebo, baletila, “Alikwisa Uyo uufyelwe i Mfumu yaba Yuda?” Baibele yatila, “Yerusalemu Yonse na Herodi bali abasakamikwa.” Ubunte bwabo bwatendeke icintu cimo.

⁷⁶ Bushe tacili icabipa nganshi ileelo, ukutila ichalici teti cibuke ukufuma mu buwelewele bwaciko ubwa mibombele yaciko iya masambililo yafya bulesu, ukumona amaka aya ba mweo, Kristu uwabuka no Bukata Bwakwe; ilyo ukushaishiba, ukushasambilila ukwenda kwa filonganino ifyalekana lekana kulepuma pe sonde? Iseni mumone u Bukata bwakwa Lesa wa mweo. U Mupashi wa Mushilo ulepona nga fintufye Wacitile pakutendeka. Amalembu yalingile ukufikilishiwa, kabili ici cili pano pa nshita ya mpela.

⁷⁷ Kabili ilyo aba abamano baendele ukupita mu musebo, basunkenye ukufuma ku mfumu ukuya kuli kacema, ne iyi mbila, “Alikwisa Ena? Nikwisa ali Ena?” Bena tabakwete ubwasuko.

⁷⁸ Kabili, ileelo, ilyo ifyakumwenako mu mulu fileshinguluka mulwelele, ilyo ifishibilo fya konaulwa kwa fintu fyonse fyapalamina; ilyo abanakashi na baume baleiposa mu lubembu no kwikala mu lubembu, abantu balabilikisha ukutila, “Cinshi ici cipilibula?” kabili ne chalichi tacakwata ubwasuko. Alelefywe mutulo.

⁷⁹ Lelo u Mupashi wa Mushilo, ulushifwa kabili u Lubuuto lwa Muyayaya ulwakwa Lesa, luli pano kukubalika pali uyo ulefwaya kabili kuti apokelela Lwena.

⁸⁰ U Lubuuto lwalile. Bena balepela ubunte bwabo. Kabili mukulekelesha baitile Sanhedrini capamo, ku kulongana kwa kabungwe. Kabili abamano na bakasesema balishilemo, na

kasesema munono, kasesema umunono uwacepa, uwe shina lyakwa Mika, ubusesemo bwakwe. Kabili bena baebele imfumu, “Calilembwa, ‘Iwe Betelehemu, bushe tauli uwacepesha pali ba cilolo bonse aba kwa Yuda? Lelo ukufuma muli iwe mukafuma Kateka uyo ukateka abantu Bandi, Israele.’ Eico kanshi, cilingile ukuba Betelehemu uko Kristu ali no kufyalilwa, i Mfumu ya ba Yuda.”

⁸¹ Ukuba, takwali nangu umo uwingabeba ifyakuya ku Betelehemu. Lelo bafumine pa mpongolo, kabili, lintu bafumine muli ulya musumba wa mfifi, u Lubuuto lwamonekele kuli bena nakabili. U Lutanda lwamoneke. Kabili Baibele yatila, “Balisekelele no kusangalala ukukalama nganshi.” Bena mucine bafwile balibilikishe panono. Basangalele ne nsansa ishapulamo. Balipeshiwa amano. Bena . . . Ulutanda lwamoneke ukubatungulula ku cifulo cabo icakulekelesha ica bulendo bwabo.

⁸² Balukonkele Lwena. Nomba bamwene na Lukobeme pesambako ukucila ifyo Lwali. Luli fye mupepi ko panono nomba. Kabili mukulekelesha ilyo . . . Bena baile, balesangalala nokulumbanya Lesa, munshita yonse iyabushiku, ukutungululwa nokuboko kwakwa Shikulu. Lelo mukulekelesha u Lutanda lwaishile mwicinka ilinono, ico cali icifulo icinono kulubali lwalupili, ulucengo, kabili palya u Lutanda lwaikele pa mulu wa lucengo. Kabili aba abamaka abamano, ukucila pa mwaka nemyeshi mutanda mubulendo bwabo, mu nshila yabo, ukwenda, ukulolesha, ukukana konka nangu cimo intunga imbi lelo u Lutanda. Kabili ilyo Lwena lwaikele, baingile mukati kabili mulya basangile u Mwana, Yosefe na Maria. Kabili baletetele ifyabupe ukufuma mucipao cabo. Bapele kuli Ena, golide, ifyefungo na muri.

Ngacakutula twacikwata fye inshita! Leken i twiminine fye pali miniti.

⁸³ Cinshi ico golide yaiminineko? Ena ali ni Mfumu. Ena tali no kulengwa i Mfumu; Ena afyelwe i Mfumu. Ena ali ni Mfumu ya Muyayaya iyakwa Lesa. Ena ali ni Mfumu, eico bena bapele golide.

⁸⁴ Kabili bapele icefungo. Uyo musashi, uwamutengo nganshi, uusuma nganshi uo mwingakwata. Cinshi icefungo capilibwile, umusashi? Ali mununko uwawama kuli Lesa, pantu Aleya aleenda aleundapa abalwele nokucita ifisuma. Golide, pantu Ali ni Mfumu. Ifyefungo, pantu Ali mununko uwawama kuli Lesa. Umweo wakwe wali Musekeshe nganshi, icakutula Lesa apemene muli bumushilo Bwakwe nobusuma, pantu cena cali bu mushilo Bwakwe u Mwine ukulangishiwa muli Ena.

⁸⁵ Oh, ngacakutula kuti twaba umununko uwawama, ngacakutula umushilo wakwa Lesa kuti walangishiwa muli

ifwe; mpaka twaya mukucita icisuma, nga Yesu waku Nasareti, mpaka cena caba umununko uwawama kuli Shikulu.

⁸⁶ Lelo, tulabilikisha, tulakansana, tulakalipa, tulatwishika, ulya e mulandu wine cabela icena icabipa mu myona yakwa Lesa. Imyeo yesu yali mukati nakunse muncende shakale isho tatufwile ukubamo. Ifwe tulalanda ifintu ifyo tatufwile ukulanda. Tulacita ifintu ifyo tatulingile ukucita. Tulakansana no kusenda imbali ne sonde, no kukana Kristu munshita iikalamba iyakalabana. Uyo emulandu wine tatwingabela umununko uwawama.

Lelo, Ena aali, kabili aba mano bapele icefungo.

⁸⁷ Nomba ba Mupele muri, pamo. Kabili uuli onse alishiba ukutula muri muti uwakwata umutengo nganshi lelo uwalula. Muri, cinshi ico muri yaiminineko? Ilambo lyakwe ilikalamba ilyapulamo. Ubumi bwakwe ubwaonaulwa, ubwa caice, pa Kalbale, apo imembu she sonde sha Mupelele mu tupimfya. Golide, pamulandu wa Mfumu. Ifyefungo, pa mweo Wakwe uusuma, uwakutemwa. Kabili muri, pamulandu we lambo Lyakwe ilya babembu, ukutula Ena afwile. “Palya Alashilwe pa fya bupulumushi fyesu, afwantilwe pa mampulu yesu. Ukulimunwa ukwa mutende wesu kwabikilwe pali Ena, kabili mufipumo Fyakwe emo twaundapilwa.” E mulandu wine ba Mupelele muri.

⁸⁸ Ukusokwa na Lesa muciloto, baile munshila imbi. Tababwelelemo, lelo ubulendo bwabo—bwabo bwalipwile. U Lutanda lwalipwishishe umulimo Waluko.

⁸⁹ Cinshi ico Ulutanda lupilibula kuli ifwe, ileelo, cibusa? Daniele aletupela ubwasuko, Daniele 12:3. Catile, “Aba mano kabili abaishiba Lesa wabo bakabengeshima nge myulu yaku mulu; kabili nabo abapilibula abengi ukuya ku bulungami bakabengeshima nge ntanda umuyayaya no muyayaya.”

⁹⁰ Tuli cinshi, ileelo, nomba? Tuli ntanda. Umwina Kristu onse uwafyalwa cipya cipya bunte kuli Shikulu Yesu Kristu, ulutanda ukulangisha amaka no mushilo uwakwa Shikulu Yesu; ukulangisha Ena mu mweo wakwe; ku kumulenga ukupwililika mu kulanda Kwakwe, ku kumulenga ukupwililika mu maka Yakwe aya kundapa, ku kumulenga ukupwililika mu kubuka Kwakwe; ukulangisha Ena mu musango onse uo Ena alangishiwe kuli ifwe na Lesa Taata. Tuli ntanda.

⁹¹ Lolesheni! Musango nshi uwalutanda mufwile ukuba? Ulu Lutanda talwatungulwilwe na maka ya Luko ulwine. Lwali tungulwilwe na maka aya mu myuulu ayakwa Lesa uwa Maka yonse. Kabili ngacakutula ifwe tuli nokulangisha ababembu kuli Kristu, tufwile ukutungululwa na Mupashi wa Mushilo. Abena Roma 8:1, yatila, “Eico nomba takuli ukusekwa kuli abo abali muli Kristu, abo abashendela umwabela umubili lelo umwabela u Mupashi.” Ngacakutula tuli nokuba ulutanda, ukulangisha u

Lubuuto lwakwa Kristu, ukuleta ababembu kuli Ena, tufwile twatungululwa na Mupashi wa Mushilo. Nacilungama!

⁹² Kabili teti tube abacikaya. Tufwile twaba abaibelako. Ifwe teti tube abaishibikwa, pantu abantu bakwa Lesa bantu abaibela. Bena efyo baba, ukupita munkulo.

⁹³ Nangula lwali ulwaibela, lelo Ulutanda lwali ulwa mano. Te mano mu masambililo aye sonde, imicitile ye sonde, lelo ulwa mano nge lambo kuli Shikulu. Tulalambalala fwebene, nga fintu abamano bacitile Mukubapo kwa Mfumu ya shamfumu, ukulangisha u Lubuuto Lwakwe.

⁹⁴ Imwe muli lutanda. Umwina Kristu onse lutanda, ukutungulula abaluba, ukutungulula, abanaka, ulukasa lwamualendo, kuli abo abalekabila. Nomba, ulutanda teti luitungulule ulwine, lulingile ukutungululwa no Mupashi. Lufwile ukulanga ubukata bwakwa Lesa mu bumi bwaluko, ukutaluka ku fintu fya pano isonde, kabili nokwikala uwa bulesa kabili uwatekanya muli buno bwikashi ubulipo. Cena cilingile ukulangisha u Lubuuto ulwa cena Cimo icikalamba ico cabalike.

⁹⁵ Ni cinshi ico tulingile ukucita lyena? Ukwima, nokubalika u Lubuuto lwakwa Lesa ku balefwa. Mu mfifi ikalamba iya ili sonde, tulingile ukulangisha nokubalika u Kubapo kwakwa Shikulu Yesu mu maka Yakwe ayakubuka. Ngefyo Aali mailo, efyo Ali ileelo, ukulangisha Ena.

⁹⁶ Lelo ibukisheni, lyena, u Lutanda, nakabili, ilyo lwapwisha umulimo waluko, talukwata umucinshi. U Lutanda lwaletelofye abantu ku cifulo cabo, no kubalangisha lulyo Lubuuto ulwapwililika.

⁹⁷ Kabili ifwe, nga ba membala ba Mubili wakwa Kristu, muno lucelo, mwe fibusa, tuli lubuuto lwakwa Lesa, lelo tatusenda umucinshi kuli ifwe fwebene. Ilyo tukwete umulwele wesu—wesu, kabili uwesu—uwesu. . . umuntu uo tuletungulula; ilyo twabakwata, tatulingile ukuipela umucinshi fwebene no kubatungulula ku “Lubuuto ulukalamba kabili ulwapwililika ulu ulubengeshima, ukwasha inshila iya muntu onse uyo wisa mwisonde,” Shikulu Yesu Kristu. Te kashimi aketwa Santa Klausi, te chalichi cimo ku cilonganino; lelo lulyo Lubuuto ulwa cine kabili ulwapwililika, Yesu Kristu, u Mwana wakwa Lesa uwa mweo.

Natupepe.

⁹⁸ Ne mitwe iyakontama kulukungu uko Lesa amufumisha; ubushiku bumo, icashininkishiwa nga fintu intanda shibalika ubushiku, kabili akasuba kabalika akasuba, uli nokubwelela kuli lulya ulukungu. Ngacakutila muli muno, pabushiku ilyo i Chiminshi minshi tacilafika, kabili kuti mwatemwa ukukwata Mupashi wa Mushilo ukumutungulula kuli Kapususha, noku Musumina muli uyo musango, bushe kuti mwaimyafye ukuboko

kwenu kuli Ena nokutila, “Lesa, beni noluse pali ine. Balikileni pa nshila yandi ilyo Nyenda cila bushiku. Kabili ntungululeni, ku mpela, kuli lulyo Lubuuto ulwapwililika, pakutila ubumi bwandi kuti bwa ampana pamo no Bwakwe kabili Ndi nokukwata ulushifwa, u Lubuuto ulwa Muyayaya.”

⁹⁹ Shikulu akupale, nkashi yandi wemutemwikwa; na iwe, nkashi yandi; iwe, munyinane; iwe kunuma uko, munyina; na iwe, nkashi; na iwe, munyinane. Lesa alemona amaboko yenu. Oh, iwe nkashi, Shikulu alekumona. Ee, kuno lubali, namayo, Shikulu alekumona, mucine.

¹⁰⁰ “O mwe Yesu, tumeni Mupashi wa Mushilo muno lucelo, ukutungulula umweo wandi uwatungulwilwa mumbi. Nalibutuka no kuilunda ku chalichi cimo; Nali Katolika, elyo kabili Nali Baptisti, elyo kabili Nali Presbyteriani. Naile kuli ba Pentecosti. Nailefye kuncende yonse. Kabili Njishile mukwisa ishiba, Shikulu, Nde—Ndesungukafye; Nshishibe apo Njiminine. Lelo lekeni ulyo Mubili uwa mu muulu, lekeni cilye Cibumbwa ca mu muulu ica Lutanda lwa Lucelo, u Mupashi ukalamba wakwa Lesa, ntungululeni ileelo kuli cilya cifulo muli Ena uko Ndefwaya ukuba, umo Ningabika umutima wandi no kukumbatila ulya Umo; ukutila Enga ntungulula mu finshingwa fyonse, mu mikonko ya finshingwa fya mfwa, ukutila Nshakakwate umwenso ilyo Nkesa kuli ulya musebo.”

¹⁰¹ Bushe kuti kwabako naumbi ilyo fye tatulaisala? Lesa amupale, mukwai; kabili imwe, mukwai; kabili imwe, mukwai. Ee, ilya yali ni nshita ikalamba iya baume, mukwai. Bambi ukucilapo bali banakash; iyi nshita baciba baume abacimya amaboko yabo. Mucine, cali baume bamano abo abaishile, balefwaya, ukukonka u Lubuuto. Lesa alefwaya imwe. Umunono Mar- . . .

¹⁰² Maliya Munono na Yosefe balile mu musumba, kabili mulya Yesu alifyelwe. Panshita iyo abamano bafikile, bali munshila panshita iitali, lelo mukulekelesha baishilefika pakusondwelela kwabo ukukalamba, u Lutanda lwalibatungulwile. Nomba ulafwaya ukuba umwina Kristu panshita iitali, limbi walisenda ubulendo ubutali. Uku ekusondwelela muno lucelo, limbi, pali nomba mwala Mupokelela ngo Mupusushi wenu ilyo mule Mufukatila mu mutima wenu. Naumbi umo, ilyo tatulaisala ubu bwite bwaku cipailo? Shikulu amupale. Cisuma nganshi. Natotela.

¹⁰³ Kabili nomba ni banga abengatila muno, “O mwe Shikulu, ngefyo Naebwa ku Malembo, ayashingafilwa, ukutila muli uyu muri uyo uwapelwe kuli Imwe, uwaimininwako mulya, ukupongoloka ukufumamo ukwamweo Wenu. ‘Imwe mwafwantilwe pafya bupulumushi fyesu, mufilaso Fyenu ifwe twalyundepwe.’ Mwafulile ukufopolwa ukwabipisha pa cifulo ca kufopwelapo, pakutila ifilaso Fyenu fingatuposha. Ndekabila

amaka Yenu ayakundapa, ileelo, Shikulu. Bushe mwalafumya fye mu mweo wandi ukutwishika konse? Kufumyeni pali ine, ukutila Nshakatale twishika nakabili. Kabili lekeni njise mukuicefya kuli Imwe, ino ine nshita, noku Mucetekela pa kundapwa kwandi.”

¹⁰⁴ Bushe kuti mwaimya ukuboko kwenu, ukutila, imwe mwe bantu abalwele? Shikulu amupele icakulomba cenu, mwe banandi batemwikwa.

¹⁰⁵ Bushe kuti mwa Mutwishika? Icine cine iyo. Eminina ileelo ngo Mwana we Pasaka nangu...nga u—u Mwana wa Ciminshi minshi, u Mwana wakwa Lesa, uyo uwakwata fyonse Umo. Alikumanisha fyonse ififwaikwa. Alikumanisha fyonse ifyo mwakwata ukukabila. Mupokelelenifye Ena. Nicinshi ico twaebwa ukucita muli Baibele? “Ukubika indupi pabalwele kabili bena bakondapwa.”

¹⁰⁶ Nomba, Taata wamu Myulu, Ndeleta kuli Imwe ili bumba ilinono ilya bantu abo Mutumine muno lucelo ku kumfwa i Mbila ya Lutanda. Ifyo Mubomba no muntu uwa musango onse uwa mikalile! Mulabomba na kashitisha wa bwalwa ubwabindwa. Mulabomba na cakolwa. Mulabomba nowa sayansi. Mulabomba nomukashi wapa ng’anda. Mulabomba na kapyunga. Mulabomba na membala wamu chalichi. Nimwe Lesa. Muli bakalamba nganshi icakutila takuli nangu umo uwinga Mubutuka. Kabili abo abali ababufumacumi mu mitima yabo, Mulalangisha uluse kuli bena aba mu fyalo fyonse kabili ne fisumino fyonse.

¹⁰⁷ Eico twatotela Imwe luno lucelo pali abo abacimya amaboko yabo, yamo amakumi yabili nangu amakumi yatatu, kuti Napima. Kabili Ndepepa, mwe Lesa, ukutila ino ine nshita, nomba line, ukutila ulukalamba ulwa Muyayaya kabili u Lubuuto ulushifwa luli nokupula mu mweo wabo, ukutila bakasange ulya mutende wa kutontonkanya uo bafwaisha nokufwaya, ukupitila mukuilunda ku ma chalichi kabili—kabili ukupita mu ntambi shimo. Lelo lekeni Mupashi wa Mushilo abengeshime pali bena.

¹⁰⁸ Nge fyo Esaya atile, “Aba bantu baikele mu mfifi yatola, lelo u Lubuuto ulukalamba lwalibalika pali bena.” Peleni, Shikulu, ukutila kulya ubu busesemo bwingafikilishiwa ileelo muli iyi mitima iyo ilekabila Imwe. Peleni kuli bena ulyo mutende uupula pakwiluka konse, nokubapela ukwikushiwa ukwapwililika ukutila naba Mukumanya kabili nabalanda na Imwe, kabili nabapela kuli Imwe imyeo yabo, yonse iyatobeka kabili iyaonaulwa; ukutila Imwe, na golide Yenu, ifyefungo na muri, finga bondapa no kupanga kuli balya abantu, ifipe ifya cindama ku bukata Bwenu Mwebene. Cipeleni, Shikulu.

¹⁰⁹ Kabili nomba kubalwele na balecushiwa, kuliko ifunde ilyo Mwatupela, ukutila tufwile twapepa nokubika amaboko

pali bena. Kabili Mwatile, amashiwi yakulekelesha ayaponene ukufuma pa milomo Yenu iisuma, “Kabiye ni mwisonde lyonse nokushimikila i Mbila nsuma. Ifi fishibilo fikakonka abo abacetekela; kabili ngacakutula babika indupi shabo pa balwele, bakaba abatuntulu.”

¹¹⁰ Natwishibapo umo, umutemwikwa umukashana munono uulambalele pano, uyo uwaenshiwe na batemwikwa abacishinka ukufuma ku Florida, kabili ali munshita iyabipisha nombala line. Ilyo, abengi ababomfi Benu balipepa. Kabili—kabili ba dokota abengi balilolesha kabili balipukunya imitwe yabo, nokutula, “Teti kube icintu cimbi.” Lelo Ndi uwansansa nganshi ukutula nyina umunono, nabonse abo abali abasakamana, tabalefwaya ukusenda ico ngo kwasuko. Bali abashininkisha ukumona ukutula ilibwe lyonse lyapilibulwa. Ngacakutula bena kuti basangafye ububile pamo na Lesa wa mweo, umutemwikwa wabo umo umunono ali nokundapwa, kabili ena ali nokuba no mweo. Oh, fikilisheni ico, Shikulu, pamo nabambi abekele pano.

¹¹¹ Abengi nabekala muno luno ulucelo, abo abengema nokupela ubunte ngefyo aba mano bacitile, “Twalimona ulutanda Lwakwe ku kabanga.” Abengi kuti baima nokutula, “Twalisonda pa busuma Bwakwe, kabili natumfwa amaka Yakwe ayakundapa,” ifyo fyafumishiwa pa mibili yabo, ipwalonda, amenso ayapofula, nefilundwa ifyalemana, nemisango yonse iya malwele. Kabili tulebilikisha amalumbo Yakwe, pamulu weshiwi lyesu, ukupita mufyalo, Shikulu.

¹¹² Leken i aba, muno lucelo, abana Benu abali muno ileelo nombala, babe pamo abakumako ku mapalo Yakwe. Ilyo tulebomba imilimo yesu nga bakapyunga, ukupepa no kubika indupi pali bena, peleni, Shikulu, ukutula bena balaundapwa mwi Shina Iya Mwana Wenu, Shikulu Yesu, Uyo watile, “Ipusheni Taata icintu icili conse mwi Shina Lyandi, Nkacitita.” Kut i twacitwishika shani, ngacakutula Lesa alicilandile? Ukubafye ica cine nga fintu yalya ama busesemo yakwa Daniele yali nokufikilishiwa, ukubafye aya cine nga fintu Lesa aba no mweo, i Cebo conse cifwile cafikilishiwa. Kabili Ndepepa ukutula Mwalapela cena ku bukata Bwakwe. Amen i.

¹¹³ Niku cicetekelo cand i icaicefya nganshi, necishinka kabili ubufumacumi bwa mutima wand i, ukutula ngacakutula abaume na banakashi nombala pano mwebacimya ukuboko kwenu ukupokelela Shikulu Yesu ngo Mupusushi wenu. . . Ninjishiba caba lutambi ku kuleta abantu ku cipailo. Cilya calibafye bwino. Nshakwata nangu cimo ukukanya cena. Lelo ukwisa ku cipailo, iwe kut i wacitafye icintu cimo, ico cili, ukweba Lesa ukutula iwe uli uwatotela ukutula Ali kupususha. Pantu, ilya ine nshita iyo mulepilibula ico mulelanda, lintu mwaimyako amaboko yenu, Lesa alamipokelela pa bunte bwenu palya pene. Namutoba amafunde yakutintila panshi, kabili cimo cine fye nga lulya u Lutanda lwaonawile amafunde ya mibombe le ya kasuba.

114 Imibombele ya kasuba ilasela ukulingana ne nshila. Ulya e musango cilingile ukwendelamo. Lelo ulu Lutanda lwalicimfishe, lwalipitile pali fyonse, pantu Lesa aletungulula.

115 Ieelo ukulanda ukwa lyonse kuletla abengi pali imwe pano bafwile bafwa. Dokota alicita fyonse ifyo engacita. Ico nacilungama. Lelo u Mupashi wakwa Lesa wa mweo ulacimfya ico, atile, “Nkakupishamo.” Mwiesha, limbi teti cicitike muli sekondi. Balishipikishe, ngo kumona Ena uyo uushimoneka. Abrahamu alipelwe ubulayo, kabili alolele imyaka amakumi yabili na isano ilyo tacilacitika, lelo aendele ukuya kuntanshi nokwita icintu conse icali icapusanako ku cipangano kwati tacali.

116 Teti Njiminine pano ubushiku ilyo i Chiminshi minshi tacilafika nokulanda ifi ifintu kuntanshi yaili ibumba ilinono iyabantu ngacakutla Nshaishibe ico Nalelandapo.

117 Mailo, umwanakashi limbi kuti abapo, ishina lyakwe ni Missisi Wright. Bushe uli muno, ukufuma ku New Albany, Missisi Wright? Mwebengi imwe kuti mwamwishiba. Ena ali, Ndecetekela, umwanakashi uwaishibikwa bwino mu New Albany. Ukulongana kwa kundapa ukwa kulekelesha kuno, uko . . . Nshaishibe; kwali mukulingulula. [Tapali amashiwi pali tepu—Kale.]

118 Pa Mulungu uleisa ubushiku, Shikulu nga asuminisha, kuti twaesha ukulingulula. Teti tucikwate pa Mulungu ulucelo, bwino, pantu mwalimwene u Mulungu wafumineko ulucelo, ngo mulungu, icacitike. Mwamona, abantu tabengila muno mu nshita ku kupanga umulongo, na fimbipo, mu lucelo, pantu mulakwata ifipe fyenu ifyakusamfya, na fimbipo. Lelo, pa Mulungu ubushiku, tukesha ico limbi pa Mulungu uuleisa ubushiku, Shikulu nga asuminisha.

119 Ilyo ukulingulula kwaliko, umulandu fye umo uo Ndefwaya ukulandapo, panuma fye nga Namyeba pali Missisi Wright.

120 Afililwe ukufuka kuno. Ba dokota ba mu New Albany, kuti Nalumbula amashina yabo, lelo cena limbi teti cibe mano ukucita ico, pantu inshita ishingi bena tabafwaya ukucita ico, imwe ukucita ico. Tulesha ukwikala nomutende nomuntu onse, ukulingana nge fyo twinga cita.

121 Kabili twalitemwa ba dokota besu. Limbi, abekele pano muno lucelo. Nalikwata ba dokota abengi, abantu abasuma, umuntu umwina Kristu uwacetekela Lesa. Bena teba kondapa; bena bantu fye. Kabili ico bena bengacita, ku mubili, bena kuti bacita ico. Bafwilisha fye icifyalilwafye. Bena tabacita . . . Bena babika ifupa; bafumya icakucilinganya, icintu cimo icaba ngefyo. Lelo Lesa alingile ukulenga utubulungwa. Lesa fye Eka ewingaposha, nangu—nangu ukukuula umunofu; tapali umuti uli nokucicita.

¹²² Nomba, uyu mwanakashi alikwete ifibulungwa fya mulopa ifyalambalele pa mutima wakwe. Ena ali mu myaka yakwe iya makumi mutanda. Alifimbile icabipa nganshi mpaka ena ali nakabili umukalamba ukucila ifyo ali lyonse. Kabili balitumine pali lamy, kabili umukashi wandi alindetele kuli lamy, kabili atile, “Billy, bena . . . umwanakashi alefwaya ukulanda na iwe, mu New Albany.”

¹²³ Natile, “Ukuba, nkashi, wise, muno lucelo. Twalakwata ukulongana kwa bundapishi palya pe hema.”

¹²⁴ Atile, “Munyinane umutemwikwa,” atile, “Ndekabila ukutila Ningamuleta, lelo ena teti asele nokusela.” Kabili atile, “Alefwa ino ine nshita.” Kabili atile, “Takuli isubilo kuli ena.” Kabili atile, “Twalyumfwa pa fintu ifikalamba ifyo Lesa acita mu mapepo yenu. Bushe tamwamupepeleko? Bushe mwalaiza?”

¹²⁵ Natile, “teti Njise. Lelo bushe kuti wabika lamy ku kutwi kwakwe?”

¹²⁶ Atile, “Ndecetekela kuti Nasesha ubusanshi bwakwe.” Kabili aseseshe ubusanshi bwakwe, nokwikata umwanakashi; alefilwa nokulanda.

¹²⁷ Natile, “Ngacakutila walacetekela!” Icicetekelo e shintililo lya fintu tusubila. Tefintu iwe uletontonkanya; lelo fintu iwe icine cine waishiba. Icicetekelo efyo caba . . .

¹²⁸ Natile pa Mulungu umbi, “Ngacakutila Nali ne nsala yakufisha kukufwa, kabili Naipwishe . . .” Umukate umo kuti wapususha umweo wandi, kabili imwe mwampela amasenti amakumi yabili na yasano; kuti Nasangalala umusango umo wine nga fintu ningacita nga Nakwete umukate, pantu kwaliba umukate uwingi.

¹²⁹ Kabili kuli amaka ayengi ayakundapa. “Ngacakutila iwe wacetekela,” ayo ema senti amakumi yabili nayasano; Ine kuti nasangalala. Pantu, limbi umukate waba ba mailoshi ikumi ukufuma kuli ine, lelo, ilyo Nkwete ama senti amakumi yabili na yasano, icicetekelo e shintililo lya fintu tusubila. Ndifye uwansansa na ayo amasenti amakumi yabili na yasano kwati Nalelya no kulya umukate, nangu Ninkwata inshila iitali iya kwenda libe; ukupita mu mifolo ya menshi, nokwabuka imimana, kabili ukupita pa milando sha kunyantapo, kabili ukutentemuka ukupita mu mpanga ya myunga, nokuya pamulu walupili. Kutu Naumfwilako insala inshita yonse, mpaka nakwata ifitusha; Ndi nensala nganshi. Lelo Ndi nokusangalala inshita yonse, pantu Ninkwata ama senti amakumi yabili na yasano, ayakushitamo umukate, temulandu nefyo imibele ili.

¹³⁰ Abrahamu asekelele pamyaka amakumi yabili na isano, ukwikatilila icicetekelo mu mutima wakwe ukutila Lesa ali uwalinga ukubomba ico Ena alaile. Kabili ena apokelele ico ena aipwishepo.

¹³¹ Wemusuma umutemwikwa apo, nkashi. Temulandu nefyo imibele ili, bula ayo ama senti amakumi yabili na yasano, ico icicetekelo, i-c-i-c-e-t-e-k-e-l-o. Bula ico mumaboko yobe, bula ico mumutima obe, utile, “Temulandu necalacitika...” Nomba teti uipange ukucetekela. Ulingile ukucetekela mu cine. “Umwana wandi ali nokuba no mweo, pantu mu mutima wandi... Lesa alipanga ubulayo, kabili Nalikwata icicetekelo icakucetekela ico.” Kabili lyena fyonse fimbi filasanguka ifyabipa. Mwamona? Lesa acilenga ukwenda bwino muli cilya—cilya cifulo.

¹³² Ulya umwanakashi alintumine lamya mailo. Bamo pali bena ba aswike lamya; akene ukwasuka yena. Umukashi wandi aile pali lamya; ena ta aswike. Ena alefwaya ukulanda kuli ine. Atile, “Munyina Branham, Ndelumbanya ishina lyobe.”

Natile, “Ishina lyandi? Cinshi ico ulecitila ico?”

Atile, “Oh, ngacakutula kuti wamonafye ine!”

Natile, “Nomba Lesa Alumbanishiwe, Ena Eumo uwacitile ico.”

¹³³ Atile, “Kulya ba dokota teti basange nangu kamo akapimfya ka kabulungwa ka mulopa. Fyonse nafisalangana nokupwa. Kabili Ndifye bwino, ukwendauka no bumi ubusuma, ubumi ubwa wamishapo nganshi ubo Nabapo mu myaka.” Ishina lyakwe ni Missisi Wright. Ena ali nomweo nomba... Alinjebele ishina lyakwe ilyakubalilapo. Kuncende imo mu New Albany, Nshishibefye nomba line.

¹³⁴ Pesamba lya kulingulula, u Mulungu wafumineko, wali mulungu umo, ukwiminina kuno, Natile, “Nshilefwaya nangu umo uwa bantu ba mwiheima. Ndefwaya abo abashili bamuno mwiheima. Leken i Mupashi wa Mushilo alande.” Lelo munshila imo, kunuma sana pa ncende imo ku lubali lumu nangu lumbi, kwaliko umuntu umunono uwe shina lya Hickerson, ifwe bonse twalimwishiba Munyina Hickerson. Ena cikombe icituntulu ica kusenamina kwakwa Lesa. Kabili aisunkile pesamba lya bantu bamo. Nshamwishibe nokumwishiba. Lelo Mupashi wa Mushilo alicilashike conse. Alelolesha ukupita mukuboko kwa mwaume umo, uwaikele kunuma mulya, kabili Nshaishibe untu ali.

¹³⁵ Kabili Natile, “Umulumendo umunono alendolesha, ukupita mu kuboko kwa ulyo mwaume. Ena alepepela pa mutemwikwa umo, Ndecetekela, munyina nangu mulamu, nangu icintu cimo, uyo wali muncende basungila amashilu; uwalubana amatontonkanyo, kabili takuli nesubilo kuli ena ukutula kuti apola.” Kabili Watile, “EFYA SOSA SHIKULU. Ena alapola. Kabili umulumendo umunono alicicetekele, libe Nshaishibe nangu cimo pali ici pa nshiku ishing i shakonkelepo.

¹³⁶ Kabili mailo bamufumishe mucipatala ca mashilu mu Kentucky, nga, “uwapwililika, umutuntulu, umwaume uma bumi ubusuma.” Kabili umunono kashimikila wesu Methodist

munyina, Munyina Collins, icikombe cimbi ica kusenamina kwakwa Lesa. Limbi kuti aba pano muno lucelo. Bonse babili, bonse pamo, limbi kuti baba pano. Aishile ku ng'anda yandi ubushiku bwafumineko, pamo na Munyina Palmer ukufuma ku Georgia, kabili alelanda ukutila uyu mulumendo apitilepo, mu nshila yakwe iya kuya ku Louisville, panuma ya kufumishiwa mu cifulo ca mashilu. Alipusuka, pamo, kabili aleya kulya mukulungika pa kulufyanya kwakwe konse uko acitile; icikombe. Uluse lwakwa Lesa ulushifwa!

¹³⁷ Ena aba cimo cine mailo, ileelo, no muyayaya. Mwileka umulwani amubepe. Kwaliba Ulubuuto ulushifwa ululebalika; lulyo Lubuuto ulushifwa ni Yesu Kristu, Umwana wakwa Lesa. Cetekela pali Ena. Ikatilila ico mumutima obe. Pokelela ico nge cicetekelo.

¹³⁸ Natupepe nokwishiba, ukubika amaboko pali imwe, ukumisuba na mafuta, moneni ifyo Lesa ali nokucita, te mulandu ifyo amafya yali.

¹³⁹ Yesu atile, muli Marko 11:24, Atile, “Ngacakutila walanda kuli ulu lupili, ‘Ube uwanukulwa kabili ukuposwa muli bamba,’ kabili witwishika mu mutima obe, lelo ucetekele ukutila ifyo walanda fili nokwisa fikilishiwa, uli nokukwata ifyo walanda.”

¹⁴⁰ Nomba lekeni ing'ambule icitabo cakufwailamo amashiwi, cilya ci Greeki cakubalilapo. Uyu e musango cibelengwa. “Ngacakutila mwalanda kuli ulu lupili, ‘Ube uwasumbulwa nokuposwa muli bamba,’ kabili tautwishike mu mutima obe, lelo wacetekela ukutila ico walanda cili nokwisa fikilishiwa kuti wapokelela ico walanda.”

¹⁴¹ Ilyo mwatile, “We lupili, sela,” kabili lucili nalwiminina palya, mwatila, “Ukuba, tacacitike”? Oh, calicitike. Ilyo mwatile, “We lupili, sela,” limbi uluseke lumu ulunono ulwa musensenga lwakakwilwe, ukufuma muma billioni imyanda kabili nama billioni ya matani. Uluseke lumu ulunono lwaliselele, lelo cena catampile ukucitika. Ikatilileni cilya icicetekelo nokumona lulya ulupili ukuluba. Icine cine.

¹⁴² Iwe ukalanda mu mutima obe, “We bulwele, fuma mu mwana wandi. We bulwele, fuma mu mubili wandi, mwi Shina lyakwa Shikulu Yesu,” kabili witwishika. Palya pene utushishi utusuma ninshi twabula icakucingilila icipya ne canso icipya, kabili umulwani atendeka ukubwelela kunuma. Alicimfiwa pamulandu wakwa Kristu, mukunwa kwa muri Wakwe pa Kalbale, alicimfishe ciwa na maka yakwe yonse. Kabili Ena ali mufulile ifintu fyonse ifyo akwete, kabili ena tali nangu cimo kano kabepa; ena kuti acita ico, ali no kucicita.

¹⁴³ Ifwe twalishininkisha, ku kusenamina kwakwa Lesa, ukushimikila i Mbila nsuma nokulangisha u Lubuuto Lwakwe mpaka Akese.

¹⁴⁴ Nomba, Shikulu, icashala cili kuli Imwe. Ifwe nomba twalaitha aba bantu, kabili lekeni Mupashi wa Mushilo ese kuli lino ihema linono nokupanga icicetekelo mu mutima onse, ilyo beminine nokwisa kuno mukupepelwako. Lekeni baleya ileelo nokucita kwati nibalya abantu bamano; lintu bamwene u Lutanda nakabili, panuma yakupita mumfifi, balisekelele no kusekelela kukalamba nganshi; kabili lekeni aba bantu, ilyo basubwa kabili nokupepelwa. Yakobo atile, mu Mbila nsuma, “Iteni abakalamba kabili lekeni babasube amafuta nokubapepelako. Ipepo lya cicetekelo likapususha abalwele.” Lekeni abantu basangalale nokusangalala ukukalamba ukwacilapo, ukwishiba ukutula icicetekelo cakwa Lesa naciponena mumitima yabo, kabili bali nokukwata ico balomba.

¹⁴⁵ Nomba, Taata, Imwe na mucita iciputulwa Cenu. Nincita fyonse ifyo Naishiba ukucita, ukufumyako fye ukubika indupi pa bantu nokubasuba. Nomba ifyashala fyalaba fyabo. Lekeni ukutula cibilwa. Lekeni umupeto onse uwankoloko iya kukanafwa iyakwa Lesa ibombe mukupwililika muno lucelo, ilyo abalwele balesubwa. Pa mulandu wakwa Yesu Kristu twalomba ici, mwi Shina Lyakwe. Amen.

Ngacakutula kuti mwacita:

Cetekela, cetekela fye,

Ifintu fyonse filacitwa, fye. . .

¹⁴⁶ Ifyo lulyo lwimbo lucita icintu cimo kuli ine! Mu ndimi imyanda, Na umfwile abasenshi naba Ntele mafwesa baleimba lulya lintu Naleisa ku cintamba.

¹⁴⁷ Uyu mwanakashi umo wine, kalisha wacinanda umo wine, ukukonkafye nefyo Njishibe, aishibishe ulwimbo kuli ine, imyaka ikumi na umo iyapitapo, ilyo Nshilafuma mubupyungishi. Paul Rader, cibusa wandi, ewalulembele.

¹⁴⁸ Yesu, ukwikila ukufuma palupili, Amwene umulumendo uwakwete cipumputu. Abasambi tapali nangu cimo ico bali nokucita palwa ico. Atile, “Shikulu, kwateni uluse pa mwana wandi.”

¹⁴⁹ Atile, “Kuti Nacita nga cakutula wacetekela, pantu ifintu fyonse kuti fyacitwa, cetekelafye.” Palya epo Paulo asendele isambililo lyakwe.

. . . cetekela fye;

Cetekela. . .

¹⁵⁰ Nomba lolesheni ukufuma kumalwele yenu nomba.

. . . cetekela fye,

Bushe kuti mwacita ico?

Ifintu fyonse filacitwa, fye. . .

¹⁵¹ Ibukisheni fye, Ena naiminina pano. Ena aliba uwatemwikwa. Ena alicilaya. Alangisha ulubuuto Lwakwe;

ukulolesha pali bambi ukundapwa. Icine cine, kuti wacita, pamo. “Lolesheni pali ine,” umuntu impofu ukundapwa, mwamona. Lolesheni pali bambi, lolesheni fye ifyo, mwe, ifyo Shikulu acita!

...ukucitwa,

¹⁵² Nibanga bacetekele ico nomba line namukwata icicetekelo mu mutima wenu icakutula, “Ndecetekela cena nacipwa. Ndecetekela kuti Na Mupokelela ino ine nshita. Ndecetekela kuti Nalanda ukutula Ndi nokuba bwino. Te mulandu icili nokucitika, Ndelanda kuli ulu lupili ulwa malwele, ‘Ba uwafumishwapo kabili ndekelako, nangu abatemwikwa bandi, nangu conse fintu cingaba.’ Kabili Ndecetekela ukutula cikesa fikilishiwa”?

¹⁵³ Moneni ico calacitika. Bulya ubulwele bwalatendeka ukulepauka. Cena cili nokutampa ukusela. Icintu cakubalilapo namwishiba, dokota ali nokutula, “Cinshi icacitike apa?” Ico nacilungama, ngacakutula iwe kuti wacetekela.

¹⁵⁴ Bushe kuti waisa, Munyina Neville? Nomba lekeni abo abali umwakupita *umu*, beminine kuli *ulu* lubali. Kabili imwe mwe bali muli *iyyi* nshila, pilibukileni kunuma nokwisa shinguluka, ngacakutula kuti mwacita, pakutula twingakwata fye umulongo umo. Kutu twakwata abakalamba ukwisa ku ntanshi, no kwiminina pamo na bantu, ilyo balepepelwako.

¹⁵⁵ Nomba, umukashana munono, twalaenda nokuya pepelako uyu umwana umunono uulambalele apa. Twalaisa fye apo pene abelele.

¹⁵⁶ Ndefwaya abo...bambi abalapepelwako, bese kuli ulu lubali nomba. Ndefwaya umuntu onse muno abe mwipepo ino ine nshita. Imwe muli lubali ku kucita ici. Abakutungulula abeminine palya balamitungulula mu mulongo uo mulingile ukwimininamo pali ino nshita.

Ifintu fyonse filacitwa, cetekela fye.

Mwitina, mwe mukuni unono, ukufuma kulupanda ukuya ku Cipuna ca bufumu,
 Ukufuma kumfwa ukwingila mu mweo Ena aile ku Bakwe Umwine;
 Amaka yonse pe sonde, amaka yonse mu Muulu,
 Yapelwa kuli Ena kumukuni wakutemwa Kwakwe.

Bushe ulutanda lwa Ciminshi minshi luletila shani nomba?

Cetekela fye, cetekela fye,
 Ifintu fyonse filacitwa, cetekela fye;
 Cetekela fye, cetekela fye,
 Ifintu fyonse filacitwa, cetekela fye.

157 Mwe banandi abatemwikwa, muli abengi muno abalemupepelako nomba; umwaume umusuma na banakashi abasuma, abashila, abanakashi ba bulesa no mwaume.

158 Munyina Wandi Neville naiminina pano pambali yandi, uo Naishiba pamyaka iingi ukuba umuntu wabulesa. Abantu abesa kuno ukufuma kunse ya musumba, bantumine pali lanya, batile, “Ninani ulya umuntu munono, bushe e kakumba obe? Mpela akeyala kakwe; Ndefwaya ukumulembela. Alemoneka ngo muntu uwa cishinka nganshi.” Ndi uwansansa nganshi ukutila kuti Natila, “Kabili umo pa bantu abawamisha abo Naishiba.” Ekala ifyo ashimikila nokulandapo. Nakwata icipe ca kasubilako mu minwe yakwe.

Lesana nakwata amaka mu kuboko Kwakwe.

159 Bushe naukwatera icicetekelo mu mutima obe? Ngacakutila naukwatera, cena cifwile cacitika. Kunse ukucila pano, pano pali bakapyunga, abantu ba bulesa abekele pano bali nokumipepelako. Icintu cimo cilingile ukucitika nomba.

160 Icintu cimo nacikuleta ukufika apa; caciba Lutanda, nomba, u Lutanda, u Lutanda lwa Lucelo. Nomba pokeleleni ulushifwa, u Lubuuto lwa Muyayaya. Ilyo fye imwe, tulekonka uyu mutande, ngo ku mubatisha, nangu icintu icili conse, mwamona. “Subeni abalwele amafuta, bapepeleni; ipapo lya cicetekelo likapususha abalwele.”

161 Yesu atile, amashiwi yakulekelesha ku Chalichi Cakwe, “Ifi fishibilo fikakonka abo abacetekela; bakabika indupi shabo pa balwele, bakaba abatuntulu.” Mu mashiwi yambi, ine kuti Nalanda ici, cibikeni mu mashiwi mwaishiba, “Konse uko iyi Mbila nsuma yashimikilwa, mwi sonde lyonse, Ababomfi bandi bakabika indupi shabo pa balwele, bakaba abatuntulu.” Nacilunguma. Mwamona?

162 Nomba kuli fye icintu cimo ica kwebaula cilya, cilya cili, ukukana cetekela. Mwamona, ico tacikala... nangula nga cakutila—nga cakutila munyina na Ine twali... tatwali nabalinga mukushimikila i Mbila nsuma; icili, ifwe tatuli, kupitilafye muluse Lwakwe. Lelo, temulandu nefyo twingaba, cena Cebo Cakwe. Ena, Ena talingile ukwikala na ifwe, lelo Ena alingile ukwikala ne Cebo Cakwe, “Ngacakutila imwe kuti mwacetekela.”

163 Nomba nibanga kunse uko mwi bumba abalapepelako abantu? Imyeni amaboko yenu. Ndefwaya imwe mwe bantu ukulolekesha kunse kulya. Kulya eko amapepo yaleya, ukulola ku Muulu pali imwe nomba. Nomba umutwe onse naukontama nomuntu onse alepepa, ilyo munyina alesuba.

164 Pali miniti fye nomba, twalakwata ili pepo lya lukuta pali aba pano.

¹⁶⁵ Shikulu wa Luse, ifwe tuleya pantanshi nomba nga babomfi Benu, ukubomba umulimo uwaba kapyunga. Pali abengi pano, Shikulu, mu mulongo, abali nganshi, abalwele nganshi, ukwabula ukutwishika. Bamo pali bena bali mupepi nemfwa. Kabili bamo muli bena bacili mufipuna fyabo. Mucakumwenako, umukashana umunono uyo wafuma ku Florida. Pali bamo pano ukufuma ku Georgia kabili ukufuma ku ncende ishalekana lekana, ukufuma ku Indianapolis, bamo ukufuma kulya ku Ohio, nabalongana muli ili bumba ilinono muno lucelo, abo abalelolela muno mu ma hotela ne fintu fyonse, ukulolela pali ora yakupepelwako. Bena bali mukulongana. Bena na bamona ukuboko Kwenu ukusela no kubomba. Kabili pano pene nomba... Shikulu, fumyenipo icakulanda icakwa Santa Klausi nokubaletela icabupe icituntulu ica Ciminshi minshi. Bapeleni ubumi ubusuma nombalinefye, Shikulu, pantu nabesa mukucetekela.

¹⁶⁶ Kabili ifwe tuleisa, ukwiminina pakati kabo na Shikulu Lesa waku Muulu, ukubapepelako, ukupepa no kulanda ishiwi lyesu, pa mulandu wabo. Mwileka nangu umo pali bena, Shikulu, afilwe ukukwata icicetekelo.

¹⁶⁷ Ifwe twalishiba ukutila i Cebo cilanda cena. Ifwe twalishiba ukutila twalicketekela ico. Nomba, Shikulu, lekeni bacetekele ico nokupokelela ico bepwishepo. Ifwe tuleya kuntanshi nomba nge nkombe shakwa Kristu, no uyu mubili onse uwa chalichi, ukupepa mukumfwana kumo pa kundapwa kwabo. Lekeni cibe ifyo. Kabili lintu baya, lekeni baye pamo nokusangalala ukukalamba ukwacilapo pantu u—ukuca kwa Bushiku nakwisa pali ifwe. U Lubuuto lwa lyeshi ulwa mu Muulu nalupilibukila kunshila yesu, kabili tulemona Shikulu Yesu uwabuka mu Maka Yakwe namu Bukata. Amen.

¹⁶⁸ Ilyo alesubwa, mwi Shina lyakwa Shikulu Yesu, twabika amaboko pali ena, nokwipusha ukutila ubulwele bwakwe bwingaba ubwaundapwa nokuboko kwakwa Lesa wa Maka yonse, mwi Shina lyakwa Yesu. Amen.

¹⁶⁹ Lesa akupale. Kabiye nokupokelela ico, mwi Shina lyakwa Shikulu Yesu.

¹⁷⁰ Ilyo asubilwe, mwi Shina lyakwa Shikulu Yesu, twaipusha ukukabila kwa mutima wakwe ukutila kupelwe, mwi Shina lyakwa Shikulu Yesu. Amen.

¹⁷¹ Ilyo asubilwe amafuta, twabika amaboko pali munyinefwe, mwi Shina... 

57-1222 U Lubuuto Ulukalamba Ulwa Bengeshima
Branham Tabernacle
Jeffersonville, Indiana U.S.A.

BEMBA

©2026 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalemwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org